

Dji n'è pou rin, ça m' porsût.

Il èstin.n' là come chaque djoû de l' samwin.ne.

I gn-aveut quate qui djouwin.n' aus cautes, tot racontant dès bièstrîyes.

Alez Djan, djoûwe, oudobin nos n'aurans nin tot fait d'avant d'ariver.

One bauchèle riwaîteut pa l' finièsse, tote sondjeûse.

On-ome lîjeut l' gazète do djoû... Li Standârt aleut-i gangnî po fini ?

Li djon.ne ome aveut c'mincî à lire on « policier ». I mostreut s' plaîji d'ariver à sawè quî qu'aveut fait l' còp.

Tot l' monde èsteut bin paujêre si timpe au matin.

Li trin èsteut à l'eûre, por on còp !

Abîye à l'ovradje, pace qui, avou l' nîve, ci n'a nin stî auji, lès dêrins djoûs !

Tot d'on còp, bârdaf !

Tot qui vole è l'aîr ! On n' comprind rin !

Est ç' qu'on s' rind compte ?

Asteûre, pupont d' brût.

Vos n' sauroz jamaîs quî qu'a gangnî l' paurt !

Li bauchèle è-st-êvôye avou sès sondjes.

L'ome ni saurè jamaîs qu' li Standârt a gangnî à l' difin de l' djoûrnéye.

Li djon.ne ome ni saurè jamaîs quî qu'a fait l' còp !

Tot ça pace qui, parèt, gn-aveut nin dès caurs assez po fé arêter l' trin à on feu qu'èsteûve au rodje !

Alez tot d' chûte, au posse, one rèclame por on vacha à rôlètes, por one poûde po bouwer, por on « carambar » qu'èst bon èt doûs au d'la !

Li vicadje porsût s' vôle, qwè ?

C'è-st-insi qu' ça va !

A r'vôy, mès brâvès djins ! Dji pinse à vos ! Dji vos-aude dins m' keûr !

Li Dré do Lakisse